



JAVNO PREDUZEĆE ŠUMSKO PRIVREDNO DRUŠTVO ZENIČKO - DOBOJSKOG KANTONA d.o.o. ZAVIDOVIĆI	Upisano u Registar Kantonalnog suda u Zenici pod brojem I-9014, Rješenje br. U/I 916/04 ID broj: 4218431050005 PDV Broj: 218431050005 Por. br.: 05072148 Transakcijski računi: Union banka d.d. Sarajevo 1020320000013296 ASA Banka d.d. Sarajevo 1340300000062287 Unicredit Bank d.d Mostar 3384202214508407 Raiffeisen BANK d.d BiH 1610550016400016
JP "ŠPD ZDK" d.o.o. Zavidovići	

Broj:03-3880/19.
Dana, 09.09.2019. godine

Na osnovu člana 4. stav 3. Uredbe o postupku prijema u radni odnos u javnom sektoru u Zeničko-dobojskom kantonu (Službene novine Zeničko-dobojskog kantona broj: 8/19) i člana 4. Pravilnika o radu Javnog preduzeća "Šumsko-privredno društvo Zeničko-dobojskog kantona" d.o.o. Zavidovići, raspisuje se:

JAVNI OGLAS za prijem u radni odnos na određeno vrijeme

Radna mjesta :

01. Sjekač – radnik u šumarstvu (Poslovna jedinica "Šumarija" Vareš) – 5 (pet) izvršilaca
02. Vozač zglobnog traktora – radnik u šumarstvu (PJ "Šumarija" Vareš) – 1 (jedan) izvršilac
03. Radnik u šumarstvu (Poslovna jedinica "Šumarija" Vareš) – 7 (sedam) izvršilaca
04. Čuvar (Poslovna jedinica "Šumarija" Vareš) – 1 (jedan) izvršilac
05. Radnik u šumarstvu (Poslovna jedinica "Šumarija" Zenica) – 1 (jedan) izvršilac
06. Pomoćni radnik (Poslovna jedinica "Šumarija" Zenica) – 1 (jedan) izvršilac
07. Šumarski tehničar, primač-otpremač (Poslovna jedinica "Šumarija" Zavidovići) – 1 (jedan) izvršilac
08. Auto limar-varioac (Poslovna jedinica "Šumarija" Zavidovići – 1 (jedan) izvršilac
09. Šumarski tehničar, primač-otpremač (Poslovna jedinica "Šumarija" Tešanj) – 1 (jedan) izvršilac
10. Stručni saradnik u šumarstvu (Poslovna jedinica "Šumarija" Tešanj) – 1 (jedan) izvršilac
01. **Opis poslova:** rukuje motornom pilom, istu čisti i održava, snabdijeva gorivom i mazivom, oštiri lanac, određuje smjer rušenja stabla, zasijeca, reže (pila) i obara stablo, kreše deblje grane, kroji i izrađuje drvene sortimente u skladu sa standardom, guli koru, kreše grane sje-kirrom, cijepa i slaže sortimente, nosi motornu pilu u sječinu, nosi gorivo i mazivo, vrši doradu drvnih sortimenata na stovarištima, prerezivanje sortimenata prilikom otpreme kupcima, vrši izradu štila za sjekire i capine, uspostavlja šumski red, a po potrebi vrši lifranje, primjenjuje propise zaštite na radu, u slučajevima zastoja (kvar motorne pile i sl.) dužim od dva dana obavlja poslove radnika u šumarstvu, obavlja i druge poslove po nalogu neposrednog rukovodioca.
Koeficijent složenosti poslova je **1,40**.

Posebni uslovi:

- SSS – IV/KV-III
- Najmanje 6 mjeseci radnog iskustva na poslovima sjekača u šumarstvu

02. **Opis poslova:** obavlja poslove primicanja, privlačenja i sortiranja drvnih sortimenata iz šume (od panja, šumskog i među stovarišta) do stovarišta na kamionskim putevima, prilikom izvoza sortimente izvozi po redu (napadu) a rasute-izvučene sortimente povremeno kupi sa i oko izvozne vlake, vrši manje opravke i redovno održava traktor (čišćenje, pranje, podmazivanje, montiranje guma i kontrola ispravnosti), obavezno vodi dnevnik rada traktora i upisuje učinak, potrošnju goriva i maziva, rezervnih dijelova, sajli i sajlica u radni nalog koji mu poslovođa radilišta ili primač na stovarištu na kraju radnog dana ovjerava, brine se i odgovara za ispravnost, pravilno korištenje i održavanje traktora, pomaže mehaničaru pri većim opravkama, pomoćniku traktoriste i drugim vozačima zglobnih traktora kod formiranja ture ili otežanom kretanju po izvoznim vlakama, brine se o pravilnom korišćenju i održavanju izvoznih vlaka i manjih opravkama istih, odgovoran je za pravilnu upotrebu HTZ sredstava, u slučajevima zastoja (kvar traktora i sl.) dužim od dva dana obavlja poslove radnika u šumarstvu, obavlja i druge poslove po nalogu tehnologa za iskorištavanje šuma i rukovodioca poslovne jedinice. Koeficijent složenosti poslova je **1,45**.

Posebni uslovi:

- SSS – IV/KV-III i položen vozački ispit B kategorije
- Najmanje 6 mjeseci radnog iskustva na poslovima u šumarstvu

03. i 05. **Opis poslova:** pomaže motoristi u radu, priprema alat, vrši podguljivanje, keglovanje čišćenje oko stabla, pomaže motoristi pri rušenju stabla, kreše grane i guli stablo i okreće trupce, cijepa i slaže sortimente, odgovoran za uspostavljanje šumskog reda u šumi, vrši izradu štila za sjekire i capine, priprema, izvlači sajle i kači tovar za traktor, prati traktor i uklanja kamen i šumske drvene sortimente sa traktorskih vlaka koji smetaju pri izvozu, prilikom rasipanja-izvlačenja tovara pri vuči ponovo priprema i kači isti, na stovarištu odkačuje (iskiva) tovar i uklanja (obara) sa vlaka na stovarište, stalno ide uz traktor i prati rad traktora, za vrijeme kraćih zastoja traktora priprema tovar za izvoz ili pomaže traktoristi ako je to potrebno pri opravkama, sipanju goriva i maziva i slično, prerezuje duže komade oblovine, vrši slaganje kao i utovar oblovine i cijepanih sortimenata i izgradnju privremenih utovarnih rampi, po potrebi lifra građu u šumi do mjesta odakle je prihvata zaprega ili traktor, po potrebi rukuje traktorom i izvozi oblovinu četinarara i lišćara na stovarištu, vrši slaganje (meglanje) trupaca, primjenjuje propise zaštite na radu, odgovara za pravilnu upotrebu HTZ sredstava, obavlja i druge poslove po nalogu neposrednog rukovodioca.

Koeficijent složenosti poslova je **1,30**.

Posebni uslovi:

- KV – III/PKV – II
- Najmanje 6 mjeseci radnog iskustva na poslovima u šumarstvu

04. **Opis poslova:** čuva objekte i povjerenu imovinu od požara, krađe i oštećenja, sprečava ulazak u krug objekta koje čuva licima koja nemaju za to ovlaštenje, kontroliše iznošenje i unošenje materijala u i iz objekata i kruga koji čuva, cijepa i unosi drva, loži vatru, a u slučaju postajanja centralnog grijanja i kontroliše ispravnost sistema za grijanje, vrši manje opravke objekata, brine se o čistoći prostorije u kojoj boravi, vodi urednu evidenciju o svim zapažanjima u dnevnik rada, odgovara za pravilnu upotrebu HTZ sredstava, obavlja i druge poslove po nalogu neposrednog rukovodioca, za svoj rad odgovoran je neposredno rukovodiocu.

Koeficijent složenosti poslova je **1,10**.

Posebni uslovi:

- KV-III/PKV-II
- Najmanje 6 mjeseci radnog iskustva

06. **Opis poslova:** vrši poslove kod primanja učinaka sjekačima na način da nosi čekić za prijem šumskih drvnih sortimenata i vrši žigovanje panjeva i izrađenih šumskih drvnih sortimenata, nosi čekić za pločice za numeraciju drvnih sortimenata, vrši numerisanje izrađenih šumskih

drvnih sortimenata sa čekićem za pločice, pomaže otpremaču pri otpremi tanke oblovine, održava izvozne šumske puteve i planke, a po potrebi izgrađuje i nove, vrši raščišćavanje šumskih puteva, odvraća vodu, čisti snijeg i blato, po potrebi postavlja talpe i plančone, radi na izradi i postavljanju mostića i propusta, na stazi izvoza vrši popračaj trupaca i zaštitu stabala, vrši manje opravke objekata, vrši osmatranje područja te u slučaju pojave požara obavještava radio vezom radnu jedinicu i dežurnog u upravi poslovne jedinice o lokaciji požara, stara se o ispravnosti radio uređaja, vodi dnevnik koji obavezno evidentira vremenske pojave (sunčano, kišno, olujno i slično vrijeme) i vrijeme dolaska i povratka sa osmatračkog mjesta, kao i ostala bitnija zapažanja, primjenjuje propise zaštite na radu, odgovara za pravilnu upotrebu HTZ sredstava, obavlja i druge poslove po nalogu neposrednog rukovodioca.

Koeficijent složenosti poslova je **1,10**.

Posebni uslovi:

- PKV – II
- Najmanje 3 mjeseci radnog iskustva na poslovima u šumarstvu

07.i 09. **Opis poslova:** organizuje i izvodi sve radove na poslovima šumsko-uzgojnih radova i zaštiti šuma, obavlja poslove organizacije izvoza i primanja drvnih sortimenta koji se izvezu komorom ili mehanizovanim sredstvima od šuma-panja do traktorske vlake ili šumarskog stovarišta – međustovarišta, vrši primanja učinka i unosi podatke u knjigu premjerbe po sortimentima, unosi podatke u radni nalog za one zaposlenike kojima je vršio primanje učinka, po potrebi mjeri udaljenosti, distancu izvoza drvnih sortimenata, vodi računa da se drveni sortimenti iz šume izvoze po napadu, odgovoran je za kretanje šumske mehanizacije u sječini, u skladu sa projektom za izvođenje radova, dužan je voditi računa da prilikom primicanja i izvoza drvnih sortimenata ne šteti dubeca stabla, šumski podmladak, druge sortimente i šumski red, organizuje i odgovoran je za pravilno sortiranje drvnih sortimenata na stovarištu, rukovodi utovarom svih drvnih sortimenata, odgovoran je za primjenu propisa i sredstava HTZ-a za radnike na izvozu, utovaru ili na šumsko-uzgojnim radovima, odgovoran je za isporuku sortimenata kupcima po dispozicijama, utvrđenim klasama i napadu izveženih drvnih sortimenata, otprema šumske sortimente pri čemu je odgovoran za količinu i kvalitet otpremljene robe uz koju sastavlja i izdaje otpremnicu, vodi propisane evidencije i sastavlja izvještaje, brine se i odgovara te preuzima mjere propisa Zakona o šumama, zaštite na radu i opštih akata društva, obavlja i druge poslove po nalogu neposrednog rukovodioca.

Koeficijent složenosti poslova je **1,55**.

Posebni uslovi:

- SSS – IV šumarski tehničar
- Najmanje 6 mjeseci radnog iskustva u struci

08. **Opis poslova:** vrši pripremu alata i materijala, obavlja sve opravke vezane za autolimarske i autolakirerske poslove na vozilima i mašinama, obavlja sve poslove autogenog i elektrovarenja u radionici i na terenu, održava aparate i alat u ispravnom stanju, postavlja i popravlja proizvode i dijelove proizvoda izrađenih od metalnih limova, priprema limene dijelove (ravnanje i oblikovanje), vodi radni nalog, odgovara za aparate, alat i materijal za kvalitet radova i pravilnu upotrebu HTZ sredstava, asistira mehaničarima pri popravci vozila, povremeno obavlja bavarske poslove na vozilima i mašinama, obavlja i druge poslove po nalogu neposrednog rukovodioca.

Koeficijent složenosti poslova je **1,40**.

Posebni uslovi:

- KV – III mašinski smjer
- Najmanje 6 mjeseci radnog iskustva u struci

10. **Opis poslova:** vrši sanitarnu doznaku i doznaku AD stabala u redovnim sječama (stabla oštećena u toku izvođenja radova u šumarstvu u redovnim sječama), zajedno sa projektantom učestvuje u doznaci i izradi izvedbenih projekata u niskim i degradiranim šumama, učestvuje i pomaže pri projektovanju šumskih i traktorskih puteva, stručno organizuje eksploataciju šuma u koju svrhu daje uputstva klaserima, primačima i otpremačima, razrađuje plan proizvodnje i određuje vrijeme sječe po odjelima, način i mjesto prevoza, izgradnju pomoćnih objekata i način slaganja sortimenata na stovarištu, organizuje rad kooperanata i kontroliše izvršenje ugovorenih obaveza, radi skontra i spiskove i kontroliše radne naloge i obračun ličnih dohodaka za radove

izvedene u fazi sječe, izvoza i otpreme šumskih drvnih sortimenata, vrši analizu izvršenja normi rada u šumarstvu, potrošnju goriva i maziva u skladu sa normativima po sredstvima rada i organizacionim jedinicama, obavlja tehničke poslove prilikom izrade i objedinjavanja godišnjih planova šumsko-uzgojnih radova, sjemensko-rasadničke proizvodnje, zaštite šuma, uređivanja i projektovanja, te iskorištavanja šuma i praćenje i analizu njihovog izvršenja.

Koeficijent složenosti poslova je **2,00**.

Posebni uslovi:

- BA-180 ECTS završen šumarski fakultet-odsjek šumarstvo
- Najmanje 1 godina radnog iskustva u struci

Pored posebnih uslova navedenih u oglasu kandidati moraju ispunjavati i opće uslove:

1. Da je državljanin Bosne i Hercegovine
2. Da je stariji od 18 godina
3. Da je zdravstveno sposoban za vršenje poslova predviđenih za radno mjesto na koje se prijavljuje

Kandidati su dužni dostaviti:

1. Prijavu na oglas
2. Diplomom o završenom obrazovanju (original ili ovjerena kopija)
3. Potvrdu o radnom iskustvu (original ili ovjerena kopija)

NAPOMENE ZA KANDIDATE:

Radni odnos se zasniva na određeno vrijeme najdalje do 31.12.2019. godine.

Kontakt osoba zadužena za davanje dodatnih obavještenja Čamdžić Mesud, rukovodilac Službe za kadrovske i opće poslove.

Prijava na javni oglas mora biti potpisana od podnosioca prijave, u suprotnom će se smatrati neurednom prijavom.

Nepotpune, neblagovremene i neuredne prijave, odnosno prijave kandidata koji uz prijavu na konkurs ne dostave traženu dokumentaciju, neće biti razmatrane.

Postupak izbora za kandidate za radna mjesta od 1 – 9 zasniva se na razmatranju dostavljene dokumentacije i održanom intervjuu sa svakim od kandidata koji će vršiti komisija koja ima za cilj da utvrdi personalne karakteristike i iskazane sposobnosti kandidata za obavljanje poslova konkretnog radnog mjesta. Kandidat će biti bodovan ocjenama od 1 do 5.

Za radno mjesto pod rednim brojem 10. postupak izbora se zasniva na razmatranju dostavljene dokumentacije, te održanom pismenom i stručnom ispitu sa svakim kandidatom.

Literatura iz koje će biti pismeni i usmeni stručni ispit:

- Zakon o šumama (Službene novine Zeničko-dobojskog kantona 8/13)
- Pravilnik o načinu žigosanja, odbrojčavanja, premjeravanja, sadržaju i načinu izdavanja otpremnog iskaza za drvo (Službene novine Zeničko-dobojskog kantona broj: 13/13).

Pismeni dio stručnog ispita kandidati polažu u vidu testa koji se sastoji od 15 pitanja i svaki tačan odgovor ocjenjuje se sa jednim bodom, a na usmenom stručnom ispitu kandidate ocjenjuje svaki član komisije dodjeljujući određen broj bodova najviše do 5 bodova.

Samo kandidati koji su na pismenom stručnom ispitu ostvarili najmanje 10 tačnih odgovora mogu pristupiti usmenom stručnom ispitu.

Konačna ocjena kandidata za radna mjesta od 1-9 čini zbir bodova datih od svakog člana komisije, a za radna mjesto pod rednim brojem 10. konačnu ocjenu čini zbir bodova sa pismenog i usmenog dijela stručnog ispita.

O vremenu i mjestu održavanja postupka izbora poslodavac će obavijestiti kandidate u pisanom obliku, putem obavijesti koja će biti dostavljena na adresu kandidata, kao i na e-mail adresu ukoliko je ista navedena u prijavi i to najmanje 5 dana prije održavanja ispita. U postupku izbora kandidata poslodavac će isključivo komunicirati sa kandidatom pismenim putem.

Kandidati koji budu izabrani dužni su u roku od 15 dana od dana zaprimanja obavještenja o njihovom izboru kao najboljem kandidatu, dostaviti ljekarsko uvjerenje.

Osnovna plaća je proizvod najniže neto plaće i koeficijenta složenosti poslova. Najniža neto plaća za 2019. godinu iznosi **488,95 KM**.

Prijave na oglas se mogu lično predati u Upravu preduzeća u Zavidovićima, a mogu se dostaviti i preporučenom poštom na adresu:

**Javno preduzeće
“Šumsko-privredno društvo Zeničko-dobojskog kantona” d.o.o. Zavidovići,
Ulica Alije Izetbegovića br. 25. Zavidovići,
72220 Zavidovići**

(sa naznakom –NE OTVARAJ – PRIJAVA NA JAVNI OGLAS)

Ovaj oglas će biti objavljen u dnevnom listu “Dnevni avaz” i putem web stranice preduzeća (www.spdzdk.ba), kao i na web stranici osnivača – Zeničko-dobojskog kantona (www.zdk.ba). Oglas se dostavlja i u JU Služba za zapošljavanje Zeničko-dobojskog kantona najkasnije na dan objave u dnevnom listu, koja ga isti dan objavljuje na svojoj web stranici.

Prijavu sa traženim dokumentima dostavlja se u roku od 8 dana od dana njegove posljednje objave.

DIREKTOR

Jasmin Devedžić, dipl.pravnik